

Luns, 15 de decembro de 2025

Núm. 239

ADMINISTRACIÓN LOCAL

PROVINCIAL

DEPUTACIÓN PROVINCIAL

Subvencións e axudas

EXTRACTO DAS BASES REGULADORAS DO PROGRAMA "+XUNTAS" PARA O ANO 2026, APROBADAS NA XUNTA DE GOBERNO DA DEPUTACIÓN DE PONTEVEDRA DO 31 DE OUTUBRO DE 2025

BDNS(Identif.):873061

De acordo co disposto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria, cuxo texto completo se pode atopar na Base de Datos Nacional de Subvencións

(<https://www.infosubvenciones.es/bdnstrans/GE/es/convocatoria/873061>)

Primeiro. Entidades destinatarias

Este programa está destinado a asociacións, federacións e fundacións sen fins de lucro da provincia de Pontevedra ou que contén cunha delegación nela, que teñan como obxectivo e ámbito de actuación a promoción das mulleres e que apoien o seu desenvolvemento e apoderamento, o seu tecido asociativo e a paulatina consecución do obxectivo da igualdade de oportunidades entre mulleres e homes.

As entidades solicitantes deberán cumprir os requisitos previstos nesta convocatoria tendo en conta as instalacións e os equipamentos dos que dispón e as necesidades para cada acción formativa.

Non poderán obter a condición de entidades beneficiarias aquelas nas que concurra algunha das circunstancias previstas no artigo 10.2 da Lei 9/2007, de 13 de xuño, de subvencións de Galicia.

Segundo. Obxecto

Estas bases teñen por obxecto aprobar a convocatoria do programa "+Xuntas" 2026, a través do cal as entidades interesadas poderán seleccionar unha das accións formativas do catálogo ofertado.



Luns, 15 de decembro de 2025

Núm. 239

Terceiro. Finalidade

O programa “+Xuntas” ten por finalidade mellorar a formación básica das mulleres na comunidade e as súas condicións de vida, promover o apoderamento e a súa autonomía individual, e crear redes de apoio para impulsar a participación activa, a sororidade e a xeración de vínculos entre as participantes, así como para fomentar as relacións interpersoais e o intercambio de experiencias ao compartir vivencias e romper co illamento.

Cuarto. Normativa aplicable

Bases reguladoras do programa, aprobadas por acordo da Xunta de Goberno da Deputación de Pontevedra do 31 de outubro de 2026; Bases de execución do Orzamento provincial para o ano 2026; Ordenanza xeral de subvencións da Deputación de Pontevedra; Lei 38/2003, de 17 de novembro, xeral de subvencións (LXS); Real decreto 887/2006, de 21 de xullo, polo que se aproba o Regulamento da LXS; e demais lexislación aplicable.

Quinto. Contía

A contía consignada para o programa “+Xuntas” 2026, que se regula nesta convocatoria, ascende para o ano 2026 a trescentos trinta e nove mil seiscentos oitenta e dous euros con cincuenta y tres céntimos (339.682,53 €), con cargo á aplicación orzamentaria 26/250.2315.227.07 do Orzamento ordinario da Deputación.

Sexto. Prazo de presentación de solicitudes

O prazo de presentación de solicitudes será dun (1) mes, contado a partir do día seguinte ao da publicación da convocatoria e do extracto no Boletín Oficial da Provincia de Pontevedra e na BDNS.

Sétimo. Outros datos de interese

As solicitudes presentaranse obrigatoriamente por vía electrónica a través do formulario normalizado dispoñible na Sede electrónica da Deputación de Pontevedra (<https://sede.depo.gal>).

Para a presentación das solicitudes a citada sede electrónica admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNIe).

Cada entidade poderá presentar unha única solicitude, segundo o modelo normalizado e a documentación establecida na base novena.

As accións formativas deberán estar abertas a toda a poboación da provincia de Pontevedra, aínda que as mulleres terán preferencia. En caso de quedaren prazas vacantes, poderán participar



Luns, 15 de decembro de 2025

Núm. 239

homes, ata un máximo do 25 % do total das prazas adxudicadas. As persoas participantes deberán ser maiores de idade ou, de maneira excepcional, maiores de 16 anos.

As persoas participantes en cada obradoiro deberán aboar a cantidade de sete (7) euros e serán responsables de levar os materiais esixidos, en caso de que fose preciso, para realizar a acción formativa escollida (ver catálogo). Esta cantidade non se lles devolverá a non ser que a baixa na acción formativa se produza por causas de forza maior.

As accións formativas contempladas no programa ofertaranse a través dunha empresa especializada na materia, que será a responsable do seu desenvolvemento e execución.

Pontevedra, 04/12/2025

O presidente, Luis López Diéguez

